



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/14-11-391-3/26
Sarajevo, 25.03.2026. godine

Na osnovu člana 64. stav (1) tačka b), člana 70. stav (1) i (3) Zakona o javnim nabavkama BiH ("Službeni glasnik BiH", br. 39/14, 59/22 i 50/24), i člana 41. Statuta Grada Sarajeva ("Službene novine Kantona Sarajevo", broj 07/23), a na preporuku Komisije za javne nabavke imenovane Rješenjem broj: 01/14-04-211/26 od 16.01.2026. godine (u daljem tekstu: „Komisija za javnu nabavku“), gradonačelnik Grada Sarajeva donosi

ODLUKU

o izboru najpovoljnijeg ponuđača putem otvorenog postupka uz primjenu e-aukcije

I

Prihvata se ponuda ponuđača Van d.o.o. Konjic, sa sjedištem u ulici Maršala Tita do broja 32, 88400 Konjic – u postupku javne nabavke usluga: „Usluge čišćenja uređenih korita rijeka i potoka na području Grada Sarajeva za 2026/2027. godinu“, putem otvorenog postupka, sa konačnom cijenom u iznosu od **94.000,00 KM bez PDV-a**, nakon provedene e-aukcije.

II

Sa ponuđačem **Van d.o.o. Konjic** zaključit će se Ugovor o pružanju usluga iz tačke I ove Odluke.

III

Sastavni dio ove Odluke čine Zapisnik o pregledu i ocjeni ponuda od 16.03.2026. godine.

IV

Ova Odluka stupa na snagu danom donošenja.

Obrazloženje

Odlukom o pokretanju postupka javne nabavke putem otvorenog postupka uz primjenu e-aukcije, broj: 01/14-11-391-2/26 od 06.02.2026. godine pokrenut je postupak javne nabavke za pružanje usluga: „Usluge čišćenja uređenih korita rijeka i potoka na području Grada Sarajeva za 2026/2027. godinu“. Dana 11.02.2026. godine na portalu Agencije za javne nabavke objavljeno je Obavještenje o nabavci broj: 1278-1-2-7-3-16/26, dok je sažetak obavještenja o nabavci objavljen u Službenom glasniku BiH, broj: 13/26 dana 20.02.2026. godine. U predviđenom roku za dostavljanje ponuda na protokol Ugovornog organa zaprimljeno je ukupno pet (5) ponude i to:

- 1) Drvoprox d.o.o. Sarajevo, sa sjedištem u ulici Esada Midžića 15, 71000 Sarajevo,
- 2) „EKOS-STEP“ d.o.o. Zavidovići, sa sjedištem u ulici Sinanović bb, 72220 Zavidovići,
- 3) Hortical d.o.o. Konjic, sa sjedištem u ulici Maršala Tita b.b., 88400 Konjic,

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



- 4) Van d.o.o. Konjic, sa sjedištem u ulici Maršala Tita d.o.o., 88400 Konjic,
- 5) Green Servis d.o.o. Sarajevo, sa sjedištem u ulici Nova željeznička stanica 35/I, 71320 Vogošća.

Postupajući u skladu sa članom 63. Zakona o javnim nabavkama BiH ("Službeni glasnik BiH", broj: 39/14, 59/22 i 50/24), Komisija za javnu nabavku, je u zakazano vrijeme pristupila javnom otvaranju ponuda, prilikom čega su ustanovljene cijene pristiglih ponuda i to kako slijedi:

RB	Broj protokola	Ponudac	Datum i sat prijema	Ukupna cijena Ponude bez PDV-a	Ponudeni popust	Ukupna cijena Ponude sa popustom bez PDV-a
1.	14-11-2122/26	Drvoprox d.o.o. Sarajevo	03.03.2026. g. u 09.15h	239.998,00 KM	-	239.998,00 KM
2.	14-11-2149/26	Ekos-Step d.o.o. Zavidovići	04.03.2026. g. u 09.00h	239.500,00 KM	-	239.500,00 KM
3.	14-11-2154/26	Hortical d.o.o. Konjic	04.03.2026. g. u 09.30h	240.000,00 KM	-	240.000,00 KM
4.	14-11-2155/26	Van d.o.o. Konjic	04.03.2026. g. u 09.30h	240.000,00 KM	-	240.000,00 KM
5.	14-11-2160/26	Green servis d.o.o. Vogošća	04.03.2026. g. u 10.00h	240.000,00 KM	-	240.000,00 KM

Obradom dokumentacije koja čini sastavni dio ponuda u svrhu provjere valjanosti iste, odnosno analizom da li ista ispunjava zahtjeve ugovornog organa propisane tenderskom dokumentacijom, Komisija za javne nabavke je ustanovila da su ponude ponuđača Drvoprox d.o.o. Sarajevo, Hortical d.o.o. Konjic i Van d.o.o. Konjic, dostavljene u skladu sa tenderskom dokumentacijom, odnosno da ponude navedenih ponuđača ispunjavaju sve formalno – pravne uslove za dalji tok postupka javne nabavke. Nasuprot naprijed navedenom, za ponude ponuđača Ekos-Step d.o.o. Zavidovići i Green servis d.o.o. Vogošća, Komisija je utvrdila da iste ne ispunjavaju uslove propisane tenderskom dokumentacijom, te su ocijenjene kao neprihvatljive i isključene iz daljeg postupka javne nabavke.

Naime, Komisija za javne nabavke je prilikom ocjene i evaluacije ponuda, ponudu ponuđača **Ekos-Step d.o.o. Zavidovići** ocijenila neprihvatljivom zbog neispunjavanja kriterija za kvalifikaciju i to kako slijedi:

- a) obrazac za cijenu ponude Anex broj 2. nije ovjeren pečatom ponuđača, isti je samo parafiran.
- b) tačkom 8.2.1. tenderske dokumentacije propisano je koje elemente treba da sadrži dostavljena ponuda, između ostalog treba da sadrži: Popunjen i potpisan nacrt ugovora Aneks 7.
- c) uvidom u dostavljenu ponudu ponuđača Ekos Step d.o.o. Zavidovići, Komisija je utvrdila da nacrt ugovora nije dostavljen onako kako je propisano. Naime isti nije popunjen već je samo parafiran.
- d) tačkom 7.3.1. i 7.3.2. tenderske dokumentacije, propisano je da su ponuđači uz ponudu dužni dostaviti spisak izvršenih ugovora i odgovarajuće potvrde o uspješnoj realizaciji istih i sličnih ugovora, čija je vrijednost jednaka ili veća od 50.000,00 KM bez PDV-a.
- e) Uvidom u dostavljenu dokumentaciju ponuđača Ekos Step d.o.o. Zavidovići, Komisija je utvrdila da je ponuđač dostavio spisak izvršenih ugovora i potvrde o uspješnoj realizaciji istih broj potvrde: 02-20304-2/24 od 30.12.2024. godine izdate od strane Elektroprenos BiH u kojoj je navedeno da se usluge odnose na prokres trase dalekovoda u iznosu od

48.148,57 KM bez PDV-a, i potvrde od dana 11.03.2025. godine izdate od strane Agroprom Prnjavor za usluge održavanja zelenih površina u iznosu od 128.000,00 KM bez PDV-a.

- f) Analizirajući dostavljene potvrde, Komisija je utvrdila da se dostavljene potvrde odnose na uspješnu realizaciju usluga prokresivanja trase dalekovoda i usluge održavanja zelenih površina te da to nisu isti ili slični ugovori koji su traženi tenderskom dokumentacijom.

Pregledom i ocjenom ponude ponuđača Green Servis d.o.o. Sarajevo, Komisija za javne nabavke je i ovu ponudu ocijenila neprihvatljivom zbog neispunjavanja kriterija za kvalifikaciju. Naime, ponuđač je u svojoj ponudi dostavio popunjenu i ovjerenu izjavu iz člana 52. Zakona o javnim nabavkama, potpisanu od strane ovlaštenog lica. Uvidom u ponudu utvrđeno je da je na strani broj 49 dostavljena punomoć direktora, broj: 111-025-11/25 od 10.11.2025. godine, kojom se daje ovlaštenje određenom licu da u ime i za račun ponuđača može poduzimati određene radnje:

- a) preuzimanje i podizanje dokumenata u javnim organima uprave na svim nivoima vlasti,
- b) učestvovati na Javnim nabavkama,
- c) vršiti uplate u bankama,
- d) ovjeravati dokumente u nadležnim institucijama,
- e) potpisivati izjave.

Analizom Pismene izjave iz člana 52. Zakona o javnim nabavkama, utvrđeno je da je punomoćnik u dijelu izjave u kojem treba navesti podatke predstavnika privrednog društva/obrtu/srodne djelatnosti, unio svoje podatke i istu potpisao i ovjerio, što je Komisija za javne nabavke ocijenila kao neispravno postupanje. Komisija za javne nabavke je vođena načelnim stavom Agencije za javne nabavke iz 2020. godine, kojim je propisano da u slučajevima kada odgovorno lice ovlasti nekog od zaposlenika privrednog subjekta da daje i/ili potpisuje izjave o ispunjenosti uslova iz člana 45. do 52. Zakona o javnim nabavkama, koji glasi: *"Potrebno je samo napraviti razliku između vrsta punomoći koja će se zaposleniku dati. Naime, u slučaju da se zaposleniku da punomoć da u ime direktora da izjavu iz člana 52. Zakona, u istu se unose podaci direktora, a potpisuje je zaposlenik u ime direktora. U drugom slučaju, ukoliko se zaposleniku da punomoć da popunjava dokumente u ime kandidata/ponuđača, u tom slučaju unosi vlastite podatke i potpisuje izjavu"*.

Shodno svemu navedenom, a cijeneće stav Agencije za javne nabavke, Komisija za javne nabavke je ocijenila da ponuda ponuđača Green servis d.o.o. Sarajevo nije prihvatljiva za ugovorni organ, zbog neispunjavanja kriterija za kvalifikaciju.

Obavještenjem o nabavci, kao i tenderskom dokumentacijom u ovom postupku javne nabavke, predviđeno je provođenje e-aukcije, koja je zakazana za dan 11.03.2026. godine. Nakon provedene e-aukcije, a na osnovu Izvještaja o toku i završetku e-aukcije, utvrđene su cijene ponuda i to kako slijedi:

RB	Ponuđač	Konačna cijena u KM bez PDV-a	Rang
1.	Van d.o.o. Konjic	94.000,00 KM	1.
2.	Drvoprox d.o.o. Sarajevo	94.700,00 KM	2.
3.	Hortical d.o.o. Konjic	239.750,00 KM	3.

Kao kriterij za dodjelu ugovora, Ugovorni organ je odredio najnižu cijenu. Komisija za javnu nabavku sačinila je Zapisnik o pregledu i ocjeni ponuda dana 16.03.2026. godine, te donijela jednoglasnu odluku da se gradonačelniku Grada Sarajeva dostavi preporuka da u predmetnom postupku javne nabavke usluga: „Usluge čišćenja uređenih korita rijeka i potoka na području Grada Sarajeva za 2026/2027. godinu“, dodijeli ugovor ponuđaču Van d.o.o. Konjic, sa sjedištem u ulici Maršala Tita d.o.o. do broja 32, 88400 Konjic, sa ponuđenom najnižom cijenom nakon provedene e-aukcije u iznosu od 94.000,00 KM bez uračunatog PDV-a.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi ugovornom organu ostalu dokumentaciju propisanu tenderskom dokumentacijom i novi Obrazac za cijenu ponude koji je usklađen sa cijenom nakon provedene e-aukcije, kako bi ugovorni organ mogao vršiti praćenje i realizaciju ugovora. Novi Obrazac za cijenu ponude potrebno je popuniti u skladu sa članom 10. Pravilnika o uslovima i načinu korištenja e-aukcije, kojim je propisano da ukoliko se tehnička specifikacija sastoji od više pozicija, tada se svaka od pozicija umanjuje za isti procenat koliko iznosi konačno procentualno umanjenje ukupne cijene postignute nakon e-aukcije, te se na tako umanjenu cijenu nudi zaključivanje ugovora najpovoljnijem ponuđaču.

Cijeneći naprijed navedeno, prihvatajući preporuku Komisije za javne nabavke, gradonačelnik Grada Sarajeva odlučuje kao u dispozitivu.

Pouka o pravnom lijeku: Ponuđači koji su učestvovali u postupku javne nabavke mogu radi zaštite svojih prava i pravnih interesa, u roku od 10 (deset) dana od prijema Odluke o izboru najpovoljnijeg ponuđača, izjaviti žalbu Uredu za razmatranje žalbi putem ugovornog organa, u dovoljnom broju primjeraka.

GRADONAČELNIK

s.r. Samir Avdić

Dostaviti:

- Ponuđačima u postupku (5x),
- spis (5x).